

金石萃編

金石萃編卷七十六

賜進士出身 誥授光祿大夫刑部右侍郎加七級王相諡

唐 三十六

漢鄭康成碑

碑不連額高七尺餘廣四尺餘二十九行行
七十九字正書篆額今在高密縣鄭公祠

後漢大司農鄭公之碑

唐銀青光祿大夫使持節邢州諸軍事邢州刺史上
柱國琅瑯郡開國男史承節撰

夫囊括宇宙者文字發明道業者典墳所以聖人作而
萬物覩賢人述而百代通禮樂得之以昭明日月失之

而憲武宣尼彰刪緝之功秦始速焚燒之禍迫乎羣儒
在漢傳注瑤口莫不珠玉交輝纖微洞迹同見集於芸
閣獨有輟於環林豈若經教與義圖緯深術兼行者多
無如我鄭公也公諱燾字康成北海高密人也八世祖
崇哀帝時爲尚書僕射公少爲鄉嗇夫不樂爲吏遂造
太學受業師事京兆第五元始通京氏易公羊春秋三
統緯九章算術又從東郡張欽祖受周官禮記左氏春
秋韓詩古文尚書攝齋問道握衣請益去山東而入關
右因廬植而見馬融考論圖緯乃召見而升樓精通禮
樂以將東而起歎三載在門十年歸邑及黨事起遂杜

門不出隱修經業於是鍼左氏之膏肓起穀梁之廢疾而又操入室之戈矛發何休之墨守陳元李育校論古今劉瓛范升憲章文議何進延於几杖經宿而逃袁隗表爲侍中緣喪不赴孔融之相北海屣履造門陶謙之牧徐州接以芾禮比南山之園皓鄉曰鄭公類東海之于君門稱通德漢公車徵爲大司農給安車一乘所過長吏送迎公乃以病自乞還家董卓遷都長安公卿舉公爲趙相道斷不至會黃巾寇青部乃避地徐州建安元年自徐州還道遇黃巾賊數萬見公皆拜相約不敢入縣境時大將軍袁紹總兵冀州遣使邀公大會賓客

迺延升上坐身長八尺飲酒一斛秀眉明目儀容溫偉
客多豪儁並有才說見公儒者未以通人許之競設異
端百家互起公依方辨荅咸出問表皆得所未聞莫不
嗟服時汝南應劭亦歸於紹因自贊曰故太山守應仲
遠北面稱弟子何如公笑曰仲尼之門考以三科回賜
之徒不稱官閭劭有慙色門人相與撰公荅諸弟子問
五經依論語作鄭志八篇公所注周易尚書毛詩儀禮
周官禮記孝經尚書大傳中候乾象圖又著天文七政
論魯禮禘祫義六藝論毛詩譜駁許慎五經異義荅臨
孝莊周禮難凡百餘萬言經傳洽熟稱爲純儒其所撰

注今並通習是知書有萬卷公覽八千也齊魯間宗之
公後嘗疾篤自慮以書戒其子益恩曰吾家舊貧爲父
母羣弟所容去廝役之吏游學周秦之都往來幽并充
豫之域大儒得意有所受焉遂博稽六藝粗覽傳記時
觀秘書緯術之奧年過三十乃歸鄉假田播殖以娛翰
墨後舉方正賢良有道辟大將軍三司府公車再徵比
牒併名早爲宰相惟彼數公懿德大雅克堪王臣故宜
式叙吾自忖度無□□□□□□之元意思整百
家之不齊亦庶幾以竭吾才故聞命罔從而黃巾爲害
萍浮南北復歸鄉邦入此歲來已七十矣宿素衰落仍

有失誤案之禮典便合傳家今我告尔以老歸爾以事
將閑居以安性覃思以終業自非拜國君之命問族親
之憂展敬墳墓觀省野物胡嘗扶杖出門乎家事大小
汝一承之咨爾焚焚一夫曾無同生相依勗求君子之
道研鑽勿替敬慎威儀以近有德顯譽成于僚友德行
立於己志若致聲稱亦有榮於所生可不深念耶可不
深念耶吾雖無教兒之緒亦有讓爵之高自樂以論贊
之功庶不遺後人羞凡某所憤憤者徒以吾親墳壠未
成所好羣書率皆腐弊不得於禮堂寫定傳與後人日
西方暮其可圖乎家今差多於昔勤力務時無恒飢寒

非飲食薄衣服節夫二者尚可令吾寡恨若忽忘不識亦已焉哉又年春夢孔子告之曰起起今年歲在辰來年歲在巳既寤以識合之知命當終有頃寢疾享年七十有四以其年六月卒遺令薄葬自郡守以下嘗受業者綴經赴會千餘人迺葬於高密縣城西北一十五里礪阜山之原嗚呼哀哉有子益恩孔融在北氣舉爲孝廉及融爲黃巾所圍遂赴難隕身有遺腹子公以其手文侶己名曰小同精通六經鄉人尊之時爲侍中嘗詣司馬文王文王有密疏未之屏也如廁還問曰卿見吾密疏乎荅曰不見文王曰寧我負卿無卿負我致鵠而

卒悲夫自夫子沒後大道方器公之綱羅遺興探賾今
猶特立鬱然時季途由志不苟變全身遠害猗歟美歟
及范曄作論有曰王父豫章君每考先儒經訓長於公
常以爲仲尼之門不能過也及傳受生徒專以鄭氏家
注云晉中興戴逵字安道以鷄卵汁洩白瓦屑爲公作
碑手自書寫文□□□語亦妙絕年代古而碑闕亡德
音變而詩書在承節以萬歲通天元年奉勅於河南道
訪察觀風省俗激濁揚清行至州界見高密父老云鄭
先生漢代鴻儒見無碑記不以庸妄遂託爲文往以會
府務殷口無暇景歲序遷貿執筆無由今者罷職含香

忝居分竹屬以閑隙乃加修換耆舊者惟聞其名後生者不覩其事今故尋源討本握槩懷鉛無疏本傳之文並序前言之目發九泉之冥昧播千載之口口竊以繁華不爲雕飾文先成訖石又精磨碑未建而承節卒正議大夫使持節寄州軍州事刺史上柱國鄭沓以開元十三年秋八月巡茲屬縣敬謁先宗欽承墳墓之間籌度碑石之側公心至清不欲費口公性至靜不欲勞煩迺命叅軍劉肫校理舊文規模新勒未間肫又罷職仍令終事冬閏十二月公伺其歲隙因遣巡團便令建立惠而不費允協人神承節銘曰

煥乎人文圖籍典墳煩亂事窮定自孔君中途湮沒秦
帝俱焚漢興儒教鄭氏超羣膏腴美地簪紱宏規膏夫
罷署京兆尋師中候乾象左氏韓詩雖稱積學殆若生
知公之挺生大雅之懿囊括墳典精窮奧秘六藝殊科
五經通義小無不盡大無不備好學慕道深思遠慮來
往周秦經過充豫侍中不仕司農罷署廬植東遇馬融
西去作者謂聖述者謂明躬違三辟門傳五更周官東
部漢遼西京白玉遍地黃金滿籛占卜潛橋行途過浦
陶謙師友孔融高蓋山登巖扉草生書帶七十歸老三
年赴會經傳洽熟齊魯攸宗爵祿不受贊論爲功禮樂

今去吾道皆東類于標德止皓稱公閣尹擅貴禁銅連
年乃逢宵罪方從舉賢南城避難東萊假田誕膺五百
終覽八千今年在辰來年在巳嗚呼不愍于嗟到此勞
我以生息我以死道該八索神交千祀離水之曲礪阜
之陽通德爲里鄭公爲鄉雲愁廟古月暗賈荒舊碑先
沒新石再彰詞愧黃絹心淒白口明於不朽終古騰芳
鄉貢進士口安中書丹

徵事郎前行密州高密縣主簿兼管勾常平倉事某
口裔篆額

大金承安五年歲次庚申三月一日勒成

紫淵立石

濰陽劉元紀仙本店于全刊字

漢高密鄭司農祠墓在濰水旁礪阜山下承祀式微不能擇采樵者濰沙乘風內侵其深及牆祠宇頽沒元率官士修之祠南門外積沙深遠遂改門東向植松楊行栗于西南以殺風勢修齊正殿改書木主增建旁屋三楹爲官吏祭宿地建坊書通德門以復孔文舉之舊祠外田廬號鄭公莊者三散據高密安邱昌邑三縣地鄭氏苗裔百數十人居之務農少文而譜系世守猶可考擇其裔孫憲書請於禮部割爲奉

祀生給田廬使耕且讀是役也掘沙之工半於土米
趙商漢碑見於著錄今求之不得得金承安重刻唐
萬歲通天史承節所撰碑揭其文讀之知承節之文
乃兼取謝承諸史非蔚宗一家之學其補正范書昭
雪古賢心迹非淺也碑文凡二十九行字徑八分承
節以萬歲通天元年奉勅於河南道訪察至高密因
父老之請爲文文成未書碑而卒開元十三年八月
密州刺史鄭玄始命參軍劉肅刻石于墓唐所刻石
今無存賴金承安五年三月所重刻知之據金石錄
云承節碑乃雙思貞行書今金碑改爲正書削唐人

書碑舊名然其文則皆因唐舊無所竄改元以范書
鄭康成列傳校之傳先始通京氏易碑無先字傳東
郡張恭祖碑作欽祖傳徵爲大司農及與袁紹之會
數事碑並次於與子益恩書前傳故太山太守應中
遠碑作太山守傳所注周易尚書毛詩儀禮禮記論
語孝經碑多周官無論語傳荅臨孝存碑作孝莊傳
不爲父母羣弟所容碑無不字傳獲覲乎在位通人
處逸大儒咸從捧手有所受焉碑省其文作大儒得
意有所受焉傳乃歸供養碑作乃歸鄉傳遇閭尹擅
勢坐黨禁錮碑載其事入銘辭中傳舉賢良方正碑

作方正賢良傳公車再召碑作再徵傳其勗求君子
之道碑無其字傳末所憤憤者碑作凡某所憤憤者
傳亡親墳壟未成碑作吾親凡此異同比而核之可
釋學者積疑蓋有三焉司農戒子益恩書乃歸老疾
篤時事故宜在漢公車徵爲大司農及袁紹邀至冀
州諸事後而范書反載書文於前使事蹟先後倒置
一也所注儀禮周官禮記范書無周官案司農周官
注完善無缺世所共學而范書遺之二也爲父母羣
弟所容者言徒學不能爲吏以益生產爲父母羣弟
所含容始得去厠役之吏游學周秦故傳曰少爲鄉

嗇夫得休歸常詣學官不樂爲吏父數怒之夫父怒之而已云爲所容此儒者言也范書因爲父怒而妄加不字與司農本意相反三也至於易恭祖爲欽祖者金避顯宗允恭諱也孝存作孝莊者唐碑本行書石或剝落金時不省而誤存爲莊莊爲漢諱未有不避者其他異同與范書可互校正故急表而錄之以告同志鄭杳見宰相世系表北祖房官至婺州刺史劉肅亦見表彭城房官至汴州刺史

山左金石志

按碑文云八世祖崇哀帝時爲尚書僕射漢書鄭崇傳崇字子游高密大族少爲郡文學史至丞相

大車弟立與高武侯傳喜同門學相友善喜爲大
司馬薦崇哀帝擢爲尚書僕射碑又云公少爲鄉
膏夫漢書百官公卿表鄉有膏夫職聽訟收賦稅
碑又云師事京兆第五元始通京氏易公羊春秋
三統歷九章算術後漢書無第五元傳其通京氏
易僅見此碑諸書論經學源流者未之及也隋經
籍志但有鄭元周易注九卷而于京氏易別無著
述則元之通京氏易亦僅見此碑其爲公羊春秋
也隋志有何休公羊墨守十四卷與左氏膏肓十
卷穀梁廢疾三卷並列之陳振孫書錄解題云鄭

康成因作鍼膏肓起廢疾發墨守排之卽碑下文
所謂鍼左氏之膏肓起穀梁之廢疾而又採入室
之戈矛發何休之墨守者是也隋志又有駁何氏
漢議二卷叙一卷其曰三統歷則隋志有二部一
曰三統歷法三卷劉歆撰梁有今亡一曰魏甲子
元三統歷一卷鄭氏之所通者殆劉氏本也其曰
九章算術晁公武讀書志有九章算經九卷未詳
撰人姓氏或曰周公撰魏劉徽唐李淳風嘗爲之
注則此術起于漢之前鄭氏所通者或卽此也碑
又云從東郡張欽祖受周官禮記左氏春秋韓詩

古文尚書隋志有鄭氏周官禮注十二卷而不見有張欽祖周官之論著卽鄭自述云世祖以來通人達士大中大夫鄭少璲及子大司農仲師議郎衛次仲侍中賈君景伯南郡太守馬季良皆作周禮解詁而獨不及張欽祖其禮記以下則隋志有禮記注二十卷七錄有春秋左氏分野十二卷春秋十二公名一卷其於詩則隋志有毛詩箋二十卷陸德明云鄭氏作箋申明毛義以難三家子是三家遂廢朱子亦曰詩自齊魯韓之說不得傳而天下之學者盡宗毛氏毛氏之學傳者亦衆而今

皆不存則推衍其說者獨鄭氏之箋而已則是鄭
學宗毛而廢韓者碑獨舉韓詩何也其于書則有
尚書注九卷尚書大傳注三卷尚書音一卷隋志
謂梁陳所講有孔鄭二家齊代惟傳鄭義至隋孔
鄭並行而鄭氏甚微碑所叙鄭氏之經學與諸著
錄參校有同有異如此其餘碑傳互異之處山左
金石志已詳攷於前不更贅云

紀太山銘

摩崖高二丈六尺廣一丈五尺二十四行行五十一
字額題紀太山銘四字並隸書惟御製御書四字及
末行年月並正書在泰山東嶽廟後石崖南向

紀太山銘

御製御書

朕宅帝位十有四載顧惟不德情于至道任夫難任安
夫難安茲朕未知獲戾於上下心之浩盪若涉於大川
顛

上帝垂休

先后儲慶率衡

庶尹交修皇極四海會同五典敷暢歲云嘉孰人用大
和百辟僉謀唱余封禪謂孝莫大於嚴父謂禮莫尊於
告天天符既至人望既積固請不已固諱不獲肆余與
夫二三臣稽虞典繹漢制張皇六師震疊九寓旌旗有
列士馬無譁肅肅邕邕翼翼溶溶以至于代宗順也爾

雜曰太山爲東嶽周官曰兗州之鎮山實惟天帝之孫
羣靈之府其方處萬物之始故稱岱焉其位居五嶽之
伯故稱宗焉自昔王者受命易姓於是乎啟天地薦成
功序圖錄紀氏号朕統承先王茲率厥典實欲報露天
之眷命爲蒼生之所福豈敢高視千古自比九皇哉故
設壇場於山下受羣方之助祭躬封燎於山上奠一獻
之通神斯大因高崇天就廣增地之義也乃仲冬庚寅
有事東嶽類於

上帝配

我高

祖在天之神罔不畢降粦翌日禋於社自侑我聖考祀
於

皇祇在地之神罔不咸舉暨壬辰觀羣后

上公進曰天子膺天符納介福羣臣拜稽首千萬歲慶
荅歡同陳 試以德大渾叶度彝倫攸叙三事百揆時
乃之功萬物由庚兆人允植列牧衆宰時乃之功一二
兄弟薦行孝友錫類萬國時惟休哉我儒制禮我史作
樂天地履順時惟休哉蠻夷戎狄重譯來貢

累聖之化朕何慕焉五靈百寶日來月集會昌之運
朕何感焉凡今而後儆乃在位一王度齊象瀆摧舊章
補缺政存易簡去煩苛思立人極乃見天則於戲天生
蒸人惟后時乂能以美利利天下事天明矣地德載物
惟后時相能以厚生生萬人事地察矣天地明察鬼神

著矣惟

我藝祖文考精爽在天其曰懿余

幼孫克享

上帝惟

帝時若馨香其

下丕乃曰有唐氏文武之曾孫隆基誕錫新命繼戎舊業未保天祿子孫其承之余小子敢對揚

上

帝之休命則亦與百執事尚綏兆人將多于前功而忘彼後患一夫不獲萬方其罪予一人有終上天其知我朕維實行三德曰慈儉謙慈者覆無疆之言儉者崇將來之訓自滿者人損自謙者天益苟如是則軌迹易循基構易守磨石壁刻金記後之人聽詞而見心觀末而知本銘曰

維天生人立君以理維君受命奉天爲子代去不畱人
來無已德源者滅道高斯起赫赫

高祖明明

太宗爰革隨政奄有萬邦罄

天張宇盡地開封武稱有截文表時邕

高宗稽古德施周溥茫茫九夷削平一鼓禮備封禪功
齊舜禹殷殷岱宗衍我神主

中宗紹運

舊邦惟新

睿宗繼明天下歸仁恭

己南面氣氤化淳告成之禮畱諸後人緬余小子重基
五聖匪功伐高匪德矜盛欽若祀典丕
承永命至誠動天福我万姓古封太山七十二君或禪

奕弈或禪云云其迹不見其名可聞祇道

文祖光昭舊勲方土虛誕儒書嶮巇伏后求僊誣神
檢玉秦災風雨漢污編錄德未合天或承之辱道在觀
政名非從欲銘心絕巖描告羣靈

大唐開元十四年歲在景寅九月乙亥朔十二日景
戍建

記太山銘者唐元宗皇帝御撰及書字徑六寸許雖
小變漢法而婉轉雄逸有飛動之勢余嘗登太山轉
天門則見東可二里穹崖造天銘書若鸞鳳翔舞於
雲煙之表爲之色飛旣摩挲久之惜其下三尺許爲

燬工人惡寒篝火焚蝕遂闕百餘字傍有蘇丞相頌
東封頌正書閩人林煒以四大字刻其上惡札題名
縱橫泯滅不可讀悵然而下後人事事可惜殆不特
此矣

此并州山人業

紀太山銘唐開元帝製及手書相傳燕許修其辭韓
史潤其筆以故文頗雅馴不猥弱予既讀而愛之然
竊有慨于帝之侈心也太有蝕蠹入焉當時天下幾
小康帝意以前薄秦皇漢武不足道而不知太真林
甫國忠祿山之徒固已乘其侈而入之蠹矣繼得涪
州中興頌時置墨池傍閱之其治亂始末有大足相

發者噫嘻可畏哉

兗州山人
四部稿

莊周稱易姓而王封太山者七十二家勒石千八百
餘處歷千萬禩而石礫玉牒後人莫得見其形光果
明神爲之守護邪祖龍肇始立碑久已埽迹兩漢迄
唐間世一修時邁之典開元天子允文武百寮之請
於十三年冬十一月式遊故實有事于太山詔中書
令張說右散騎常侍徐堅太常少卿韋縠秘書少監
康子元國子博士侯行果於集賢書院撰儀注己丑
日南至法駕詣山下御馬以登行升中之禮天子製
紀太山銘親札勒于山頂之石以十四年九月景戌

告成於是中書令張說撰封祀壇頌侍中源乾曜撰
社首壇頌禮部尚書蘇頌撰朝覲壇頌趙明誠金石
錄目載太山銘側有題名三列今已亡之而頌頌授
梁昇卿書刊御製銘右明有俗吏以忠孝廉節四大
字錢其上頌文毀去者半可憾也山高四千九百丈
二尺行旅出于塗者車前馬首仰視略可覩歲在己
酉五宿茲山之麓未克叩天闕陟環道手摸其文詢
之野老必架木緣絕而上然後椎拓功可施又山高
多風兼慮日曝紙幅易裂若是其難也曩者先後裝
界三本悉爲好事者所奪己丑夏同里沈秀才翼能

分書獲此本于白下雖有闕文乃百年以前舊揭受
審定而書其本末于冊尾

曝書亭集

唐太宗時羣臣請封禪不許曰卿等以封禪爲帝王
盛事朕意不然誠令天下乂安家給人足不封禪何
損今天下殫敝人物凋耗卽封禪愈靡靡矣昔秦始
皇封禪而漢文帝不封禪後世豈以漢文帝不及始
皇耶且古者事天掃地而祭天神降焉何必登太山
之巔封數尺之土然後展其誠敬乎已而羣臣請不
已許之魏鄭公獨爭以爲未可帝曰公不欲朕封禪
以功未高耶曰高矣德未厚耶曰厚矣以中國未安

四境未服年穀未豐天瑞符應未至耶對曰陛下兼此而有之矣然則卿斷斷云不可封禪何也對曰陛下雖有此六者然百姓當大亂之後戶口未復倉廩尚虛呻吟未起而東巡卽供億煩費其未易任也且陛下封禪萬國君長皆當扈蹕今伊洛以東至於海岱灌莽極目此爲引戎人入腹中而示之以空虛况賞賚不豐則不能厭其望必豐之雖給復連年固不償百姓勞矣崇虛名而受實害將焉用之帝大感悟事竟寢鄭公匡救愷切當上心如此開元帝致治庶幾貞觀不免多也
新嘉坡姚崇旣死宋璟能相張說處

金石錄卷之二十一
中書文章信美矣骨鯁安敢望鄭公未幾林甫國忠
進而天下幾亡讀唐史至開元天寶之際恫乎有餘

憾焉

來齋金石
刻考略

碑在泰山之巔御製御書字大如掌摩崖勒石蓋自
漢以來碑碣之雄壯未有及者下截模糊百餘字當
由歲久水土侵蝕或爲樵夫牧豎所擊傷王元美以
爲搨工惡寒篝火燒殘竊意泰山高寒冬時決不可
搨必無篝火燒殘之理傍有蘇丞相題東封頌閩人
林焯竊朱子忠孝廉節四大字爲己書鐫刻其上以
致損壞俗夫妄意留名徒博千古笑罵可恨可恨竹雲

跋題

碧霞廟北懸厓削壁爲大觀峰一日彌高殿有唐元
宗紀泰山銘世謂之摩厓碑高二丈九尺寬一丈六
尺七寸高三尺九寸寬四尺開元十四年九月御
製八分書并題額字徑五寸額字徑一尺九寸濟南
府志碑下截剝落葉彬補書按彬所補百八字形似
小異後列從臣題名字差小好事者以古篆鑱毀猶
有開國公臣李仁德上柱國臣李元紘臣尉大雅臣
王敬之三十餘字空處亦有題名惟顏真卿題名已

亡

蕭敘泰山
道里記

紀太山銘以其文與舊唐書禮儀志參較朕宅位十
有四載石本作宅帝位若涉大川石本涉字下多於
字宰相庶尹石本相作衡禮莫尊於告石本禮字上
多謂字告字下多天字震聲九寓石本作震疊以至
岱宗石本至下多手字實萬物之始石本作實惟天
帝之孫羣靈之府其方處萬物之始爲蒼生而祈福
石本而作之呼萬歲石本呼作千歲合歡同石本合
作荅迺陳誠以德石本無迺字懿尔幼孫石本尔作
余刻金石石本石作記冀後人之聽詞而見心石本
無冀字又作後之人衛我神主石本衛作衍中宗紹

運曹邦惟新石本於此下多睿宗繼明天下歸仁二
句或禪亭亭石本亭亭作奕奕儒書不足石本不足
作齷齪案文之異者容所據見或有不同若銘列祖
而獨遺睿宗則下文恭己無爲正以睿皇禪位爲詞
若接屬中宗義便不相屬又儒書齷齪蓋指議封禪
儒生所錄故以齷齪鄙之作史者嫌其過詆儒書遂
刪易以不足當之斯不達其旨矣銘後題開元十四
年銘叙又作十四載年載通稱互文非如天寶元年
改年爲載始有專名也

投堂金石跋

此文唐書所載不全岱史及泰安志亦有駁異碑後

刻諸王羣臣題名凡四列字徑一寸四分有方界格
皆爲明人加刻大字橫貫交錯遂使湮毀無傳茲就
空隙處細爲審辨補圖于右庶使後之覽者得有依
據上列開府儀同下有憲字以唐書傳紀證之憲爲
睿宗長子讓皇帝憲也岐王臣範者睿宗第四子本
名隆範後避元宗雙名改稱範睿宗踐祚進封岐王
太子下空五格存業字睿宗第五子本名隆業後亦
改單名睿宗時進封薛王開元八年遷太子太保是
缺處當作太保薛王臣也司空邠案章懷第二子名
守禮神龍中遺詔進封邠王先天二年遷司空後以

開元二十九年薨司空邠下字雖殘闕爲守禮無疑
元宗紀開元十三年改幽州爲邠州此刻於十四年
故從新改作邠王臣涓卽邠王涓元宗子初名嗣
初後改名瑤王臣恐是儀王臣濰元宗子璿初
名維末王口下案元宗子璿封末王初名澤殆卽其
人口王臣清元宗第十八子瑁初名清封爲壽王也
延王臣下祇存一笏案元宗第二十子玢初名洄封
延王盛王臣沐元宗第二十一子沐封盛王改名琦
嗣韓王臣訥宗室世系表有嗣韓王太僕卿訥以上
諸王名號皆與史傳合後段姓名可辨者惟盧從愿

廬龍秀二人龍秀附見唐書桓彥傳中宗時官監察御史傳作襲秀當依石刻爲正次列可辨者庭珪李仁德庭珪闕姓殆卽張庭珪也三列姓名皆殘毀四列有李元紘孫元慶陸去泰尉大雅王敬之譚崇德諸銜名案本紀十四年四月丁巳戶部侍郎李元紘同中書門下平章事碑稱遙知造碑使者似非扈從之臣陸去泰附見唐書儒學褚无量傳歷官左右補闕內供奉今銜名存左補二字正相合也

山左金石志

按此碑磨崖高約三丈椎拓不易故流傳者少今所得搨本文字完善惟人望旣積望字在地之神

之字多于前功前字俱半缺震覺九寓寓字至于
岱宗岱字俱全缺此五字之外他無缺也蓋皆爲
葉彬所補足王元美王良常所見皆謂缺百餘字
尚是未補足之本也不知此五字是補後缺耶抑
先已缺耶文之見于史籍者若舊唐書載此文其
字句不同之處授堂已校之詳矣外如冊府元龜
載此文朕宅帝位十有四載無帝字故設壇塲于
山下至上帝之休命共刪去三百七十餘字直云
故設壇塲荅休命予一人有終人作心刻金記記
作字後之人上多冀字睿宗繼明二句全無儒書

鯀作儒書不足証神檢玉証作巫又唐文粹載此文歲云嘉孰嘉作再旌旗有列旗作旅以至于岱宗順也順作頂自昔王者受命易姓作曰昔者受命易姓類於上帝作類于昊天上帝羣臣拜稽首千萬歲作羣臣拜手稽首稱千萬歲篤行孝友作篤以齊象法作齊衆法存易簡作存簡易地德載物作坤厚蕃香其下丕乃曰無下字有唐氏文武之會孫隆基誕錫新命作會我之文武曾孫其誕錫新命續戎舊業戎作我予一人有終人作心奉天爲子作奉爲天子衍我神主作衍我元神或

禪奕奕作或禪社首其不同又如此冊府不同者
或傳刻有脫誤不足深論文粹之不同則似當時
從唐人別本集錄者如曾孫隆基是元宗御名此
是述藝祖文考語意故直書帝名至文字傳寫則
避而改易其迹顯然他處亦有臆改而與碑不
合者銘序全用對偶體類于上帝與下配我高祖
爲偶不應增昊天二字羣臣拜稽首千萬歲對上
天子膺天符納介福不應增手稱二字馨香其下
對上惟帝時若爲言若刪下字其字屬下句矣奉
天爲子對上維君受命不應作奉爲天子衍我神

主與上周薄一鼓舜禹叶合爲四韻若作元神則
上少一韻下文維新等多一韻矣或禪奕奕對或
禪云云奕奕似詩所謂奕奕梁山也亦不必改社
首凡此若不据碑以正之則石本旣艱于流傳而
誤書反垂諸日久承訛襲謬伊何底耶此外如仿
史秦安志之互異其書視冊府文粹不啻曹檜之
比無足辨也碑云百辟僉謀明余封禪固請不已
固辭不獲舊唐書禮儀志新書開元十二年文武
百寮朝集使皇親及四方文學之士皆以理化昇
平時穀屨稔上書請修封禪之禮并獻賦頌者前

後千有餘篇元宗謙沖不許中書令張說又累日
固請乃下制從之冊府元龜開元十二年閏十二
月辛酉文武百官吏部尚書裴耀卿等上請封東嶽
帝手詔報不允甲子侍中臣乾曜中書令臣說等
奏請帝又手詔報不允乾曜說等又上言又詔報
不允乾曜說等又再上言時儒生墨客獻賦頌者
數百計帝不得已下詔從之碑又云肆余與夫二
三臣稽虞典繹漢制張皇六師震疊九寓旌旗有
列士馬無譁肅肅邕邕翼翼溶溶以至於岱宗順
也禮儀志云詔中書令張說右散騎常侍徐堅太

常少卿韋紹秘書少監康子元國子博士侯行果
等與禮官於集賢書院刊撰儀注冊府元龜又載
四門助教施敬本駁奏舊封禪禮八條元宗令張
說徐堅召敬本與之對議詳定禮儀志又云十三
年十一月丙戌至泰山壬辰元宗御朝觀之帳殿
大備陳布文武百寮二王後孔子後諸方朝集使
岳汝舉賢良及儒生文士上賦頌者戊狄夷蠻羌
胡朝獻之國突厥頡利發契丹奚等王大食謝廌
五天十姓崑崙日本新羅靺鞨之侍子及使內臣
之裔高麗朝鮮王伯濟帶方王十姓摩阿史那興

昔可汗三十姓左右賢王日南西二鑿齒雕題泮
柯烏許之酋長咸在位冊府元龜己丑日南至帝
備法駕登山旌旗天仗雲屯百餘里環衛于嶽下
資治通鑑十月辛酉車駕發東都百官貴戚四夷
酋長從行每置頓數十里中人畜被野有司輦載
供具之物數百里不絕十一月丙戌至泰山下御
馬登山畱從官于谷口考異曰實錄唐歷統紀皆
云備法駕登泰山開天傳信記云上將封泰山益
州進白騾上親乘之不知登降之倦碑又云庚寅
有事東嶽類于上帝配我高祖翌日禪於社首侑

我聖考祀于皇祇禮儀志云庚寅祀昊天上帝于
山上封臺之前壇高祖神堯皇帝配享辛卯享皇
地祇于社首之泰圻壇睿宗大聖真皇帝配祀以
上諸併碑與諸書參考雖各有詳略而皆合也又
禮儀志載祀昊天上上帝于山上邠王守禮亞獻寧
王憲終獻冊府元
龜亦同文獻通考則云張說韋堅等議
三獻禮上初獻邠王守禮亞獻宋王成器終獻新
唐書三宗諸子傳高宗諸子章懷太子賢次子守
禮唐隆元年進封邠王讓皇帝憲本名成器避昭
成太后諡改今名唐隆元年進封宋王元宗討定

蕭岑之難徙王寧是寧王憲卽宋王成器張說等
議禮之時爲宋王成器及行禮之時爲寧王憲也
冊府元龜又載帝在行宮致齋時有雉野鷄飛入
齋宮馴而不去久之飛入仗衛忽不見邪王守禮
等賀云云蓋守禮爲元宗之兄子諸王爲最長故
用以爲亞獻且進賀亦以爲首也銘西側有從封
諸王羣臣題名二王爵與名尚有存字可辨也

北嶽恒山祠碑

碑高一丈三尺六寸五分廣六尺六寸五分
廿二行行四十六字行書在曲陽縣北嶽廟

北嶽恒山

祠碑并序

□□□□□□□□尚書兼□□□□平軍使

上柱國河東縣開國侯張嘉貞文泉書

有國者

殷薦于天地望秩于山川故災沴不生矣

有家

者嚴敬于鬼神克諧于禮樂故休祐斯應矣由是上下

交泰幽明

相協

五精同

朗

辰爲水其味醢五鎮俱清恒

爲

冬其音羽大哉茲岳殊於衆山嵩華乃踟乎近甸衡

泰不

踟乎方域孰與

夫包括綏長

經綸中外外夷有四

昂宿主胡則

延表

以

限

之中郡有百寶符在代則高襄

以臨之其頂也上扶乾門黑帝之宮觀其足也下

捺

《

軸麗神之都府豈止劈翼魏截幽燕拒洪河撐大氣頤

洞合齊半天下之襟帶嵯峨嶢嶢一字內之標格者也
故知惟土有精惟山有靈窅窅冥冥其道至平其德至
貞氤氲馨馨目之不覩夫形耳之不聞夫聲陰陽不測
夫奧所以存象設建祠庭矣稽彼上古泊于中運五載
巡狩百神懷柔皇王令典以之叶祚數昌期以之永降
臻歲漢爰逮周隨匪修匪虔或替或僭不動于省者其
政缺非美而封者其事訛鳴戲黷祭虛陳昭靈罔荅更
張禮秩固待豈熙粦若我唐正百王賴教龔惟
我后揚五聖丕烈人祇允浹動植和暢乃藉北

鎮柴南壇俾西岳泥東岱是用告厥功祗其祀也故穰

穰禾福獲於彼嚳嚳衆心侯於此而今獫狁不熾已萬
餘辰邊隅於是乎靜雨雪其滂乃屢盈尺稼穡於是乎
豐豐以阜人靜以安俗俗安而人阜 君睿而神

總惟神幽贊已成惟

君能事斯畢北巡之禮胥

詠其蘇雖黜輅纁旗未由冬觀而圖珪方璧每自

天來或事舉必祈廟行宜賽則有公卿而奉

新命也或四時薦熟三獻酌洗則有侯牧而率舊章也
非夫昭信雅直豈常享於 明代哉是以河朔人

風潔誠而禱蠶穀者衆矣春終妹孟冬首三之月

尤劇

蘋藻自羞若從官餼惟蘇不禁孰能私伐葢威靈感通

以致尔與其淫諂而求者異乎夫道莫先乎真政莫先

乎淳參

造化以成萬物莫先乎神資帝王以富四氣莫

先乎人護神莫先乎君公理人莫先乎師長景寅歲乃

命菲才謬兼

軍部

欽若

明詔持兵導俗無敢懈

忘名山大川著乎典式靡不加敬於昭神寢于岳之陽

伊岳致神伊神主岳高

利

古榦幽蔚陰翳俯仰瞻對精

魂肅恭慄然何爲故以嗟嘆嘆之不足於是詠哥哥以

發言言以彰德事可追於風雅

詞無

隱於聞見神而聽

之頌斯作曰

五宿熒煌風政休咎上見乎乾綱

我君順之祚

乃久兮五宗盤薄陰化成收下彰乎《絡》

我君

欽之福乃永兮天平地成神道助貞人事以

寧

兮皇極

帝力神道助直人事以息兮禎祥

日

新既祠既

禋國萬斯春兮風雨時若是

耕

是穫家勤于作兮至誠

神通

兮昭冥叶咏至道默兮對揚頌哥大恒如礪明德

惟峨

開元丁卯口口口口望立

年号尚書名位太中大

夫行定州別駕上騎都尉盧國公李克嗣題

大宋宣和庚子歲庚辰月丙辰日入內供奉官王渾

被命爲去歲

冬祀禮畢貢

御香來謝

嶽祠

因讀唐丞相張公所述碑數字剝落恐其漸就訛缺
迺將完本名刻工以碑口所有字補足之庶古跡自
茲復完云

恒山祠碑今在曲陽縣北嶽廟中舊唐書本傳嘉貞
爲定州刺史至州於恒嶽廟中立頌自爲文書於石
其碑用白石爲之素質黑文甚爲奇麗先是嶽祠爲
遠近祈賽有錢數百萬嘉貞自以爲頌文之功納其
數萬今白石碑尚在本傳又言嘉貞官至宰相不爲
子孫立業豈好貨者乎或矜夸其文則有之然唐人
以文取錢未嘗以官取錢嘉貞於此又僅百而取一

古之疾也今也或是之亡矣

金石文
字記

按此碑爲張嘉貞撰書前題云張嘉貞文泉書泉
卽暨字及也古文尚書舜典泉咎繇今文作暨史
記夏木紀蠙珠泉魚注古暨字也此云泉書與實
濟寺碑懷惲及書同意碑題銜泐十餘字但存尚
書字平軍使上柱國河東縣開國侯字舊唐書張
嘉貞傳嘉貞新書云蒲州猗氏人開元八年累擢
爲中書侍郎同中書門下平章事加銀青光祿大
夫遷中書令十一年出爲幽州刺史明年復拜戶
部尚書兼益州長史判都督事又明年左轉台州

刺史遷工部尚書定州刺史知北平軍事累封河
東侯至州於恒嶽廟中立頌自爲其文乃書于石
新史不載卽此碑也据此則碑所泐者乃工部尚
書兼定州刺史北平軍使也碑文嘉貞書而文前
街名及末年號爲李克嗣題此又書碑之變例也
碑文泐者三十餘字今檢唐文粹有此文校補增
注于旁文云景寅歲乃命非才謬兼軍郡丙寅爲
開元十四年然則嘉貞之刺定州在開元十四年
而史于十一年之後兩稱明年似係十二年者有
疎略也碑題立于丁卯乃十五年

金石萃編卷七十六終

金石萃編卷七十七

賜進士出身 誥授光祿大夫刑部右侍郎加七級王昶

唐三十七

魏國公造像記

石橫廣四尺九寸高二尺餘三十一行行十
三字後五行偶皆十四字行書在洛陽龍門

□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
筆苦海之津梁則魏國公□□□□□□□□□□
謀駿□橫行邊徼追馬援之功□□庭□□曾參之養
自保釐□□□□□□□□□□□□□□□□□□□□

祿位深鏡真如覺□菰□□□□非實知三世□□
□□□□□迹混朝倫而心□□□以爲□腹之飾
照風塵□□□□□□歲月而先朽□□□□
□□□□□奉爲烈□□□□□□先□□□娥
□□□□□□□□盤石能造十□□□□□□□
藏菩薩各一□□□□□□好□□□□儼然□□□
□□紺□瓊璣珞以嚴身□□□□□□以承□□
□□□□□神足同于座□□□□□□□□□而
□□□□□戲□□□□□□□□□非□□崇高□
□□□曷□□□□不業福祐無窮□以饒功□□□德

重宣此義而口偈云

口口寂昧二菩薩 大庇衆生臻口口 妙口口口本

通達 口口口口像口 口我靈山山幾重 一彫

一琢現口口 逶迤口路還曾參 攝心迴口口相口

純孝口口口竭力 疏伽沙口口口

開元口口口口四月廿三口口

記文已殘滅首稱號國公下名氏缺惟存一助字蓋
勗字以其上半攷唐書宦者傳楊思勗封號國公卽
其人也記稱橫行邊徼追馬援之功以傳證之開元
初安南蠻渠梅叔鸞叛思勗繇馬援故道出不意賊

駭貽不暇謀遂大敗封尸爲京觀而還記所指謂此

又封號國公在從封泰山時元宗本紀開元十三年

十一月庚寅封于泰山今記文缺年當亦屬十三年

後也

授堂金石跋

按號國公有楊花墓銘此碑號國公亦卽其人

陳憲墓誌銘

石高廣均三尺一寸六分廿四行行廿五字篆書題殘缺止存唐銀青光祿大六字在偃師縣學明倫堂

人缺

公諱憲字令將平陽臨汾人□□□□□□□□□□

□□□□爲氏洎七葉有漢大口軍棘將侯武又□□

□□□□□□□□平陽侯子孫家焉祖遠雄武多大
略徵晉昌令不□□□□□□高量累辭辟命沒謚真
隱先生積德未享是用有後公□□□□氣降虛明之
神清暢條理夷雅閑秀詞學優深操行無玷□□□□
不徇速達年卅鄉貢進士對策上第其年解褐榮澤主
簿□□師尉明堂尉閑鄉令秩滿受 詔闕內覆

囚旋琰右臺□□侍御史轉庫部吏部二員外郎丁內
艱哀毀過禮服闕除禮部□功二郎中遷給事中中書
舍人策勛上柱國除大理少卿出爲□州刺史復大理
少卿遷工部侍郎又出爲兗州都督入拜衛尉少卿復

工部侍郎又出爲蒲州刺史入拜太子右庶子遷太子
賓客累加封嶽陽縣開國伯食邑五百戶凡所歷官咸
著成績皆任官以祐物不激譽而于進休名自著僉舉
允諧喪仲弟哀感成疾以開元十三季九月廿五日薨
于東都審教里第春秋七十八粵以開元十四年歲次
景寅十一月乙亥朔十六日庚寅葬于偃師縣龍池鄉
之北原附 先塋禮也惟公宅乎中庸樂在名教體
忘悔吝德全終始者朝廷壹人而已又嘗著中道通教
二論註周易撰三傳通誌廿卷集內經藥類四卷合新
舊本草十卷並行於代噫可謂立德立言歿而不朽者

矣嗣子長安縣尉少儀等孝思純至永懷揚口乃刊石勒銘以誌幽宅其辭曰

盛惠之後考寔生哲人文義博暢考志業清純孚政光國考懋寵榮親立言不朽考全道歸真

碑缺一角故撰書人不可考云公諱憲字令將平陽臨汝人又云洎七葉有漢大將軍棘蒲侯武者按漢書文帝紀云三年以棘蒲侯柴武爲大將軍臣瓚曰漢帝年紀爲陳武此云柴武爲有二姓功臣表作陳武然則憲姓陳又云葬于偃師縣龍池鄉之北原附先塋今鄉名旣失墓亦不載于方志又云又嘗著中

道通教二論注周易撰三傳通誌廿卷集內經藥類
四卷合新舊本草十卷並行於代唐志既皆未著錄
而大觀本草稱引最博亦無藥類書之難成而易失
如此

中州金石記

思恒律師墓誌

行高廣俱三尺五分二十八行行二十八字正書
蓋題大唐故大德思恒律師墓誌文十二字篆書

唐大薦福寺故大德思恒律師誌文并序

鄆縣尉常口口口文

道不虛行必將有授受聖教者非律師而誰律師諱思
恒俗姓顧氏吳郡人也曾祖明周左監門大將軍祖元

隨門下上儀同三司徐蕪郡開國公使持節洪州諸軍
事行洪州刺史父藝

皇上恒州錄事叅軍並東

南之美江海之靈係丞相之端嚴散騎之仁厚以積善
之慶是用誕我律師焉律師稟正真之氣含太和之粹
生而有志出乎其類越在幼冲性與道合兒戲則聚沙
爲塔冥感而然指誓心乃受業於持世法師咸亨中

勅召大德入太原寺而持世與薄塵法師皆預焉律師
深爲塵公所重每歎曰興聖教者其在茲乎遂承

制而度年廿而登具戒經八夏卽預臨壇蒙修素律
師新疏誦八十餘遍弟子五千餘人以爲一切諸經所

以通覺路也如來金口之言靡不該涉菩薩寶坊之論
皆研斫精天下靈境所以示聖跡也乃陟方山五臺間
空聲異氣幽巖勝寺無不經行感而遂通所以昭靈應
也嘗致舍利七粒後自增多移在新餅潛歸舊所有爲
之福所以濟群品也造菩提像一鋪施者不能愛其寶
建塗山寺一所仁者於是子而來洗僧乞食以生爲限
寫經設齋惟財所極忘形杜口所以歸定門也詣秀禪
師受微妙理一悟真諦果符宿心寂尔無生而法身常
在湛然不動而至化滂流於是能事畢矣福德具矣以
見身爲過去則棄愛易明以遺形爲息言則證理斯切

乃脫落人廿示歸其真開元十四年十一月廿六日終
於京大薦福寺年七十有六初

和帝代召入內

道場命爲菩薩戒充十大德統知天下佛法僧事則
像於林光殿

御製畫讚

云云

律師固辭

恩命屢請歸閑歲餘方見許焉其靜退皆此類也屬續
之夜靈香滿室空樂臨門悠尔而逝若有迎者蓋應什
斯來自天宮而整降終事則往非人案之可留弟子智
舟等彼岸仍遙津梁中奪心猿未去龍爲先歸禪座何
依但追墳塔法侶悲迷且傾都鄙其年十二月十五日
葬神禾原塗山寺東各領託昧回思陳盛美法教常轉

金石錄卷一百一十一
六
自等於圓珠雕斲斯文有慙於方石銘曰

聖立萬法法無二門以身觀化從流討源有爲捨幟無
生之援律師盡妙像教斯存我有至靜永用息言示以
形逝留乎道尊有緣有福求我祇園

按碑敘思恒俗姓顧氏吳郡人其曾祖明祖元父
藝仕于周隋唐代史皆無傳其二云祖元祿蕪郡開
國公遍檢諸地理書從無祿蕪郡名祿字見集韻
但云艸名而已其蕪字之見于地名者惟兗州魯
郡有萊蕪縣亦非郡名此碑之所未詳也大薦福
寺在長安開化坊南自神龍以後翻譯佛經並于

此寺思恒終于寺中殆在寺有講明律疏之功也
文又云初和帝代召入內道場命爲菩薩戒師充
十大德統知天下佛法僧事圖像林光殿唐之西
內但有佛光寺在甘露殿之左不云有林光殿知
天下佛法僧事者僧職也此職亦不見於諸書律
寺設戒三壇菩薩戒在三壇之內有律師十人證
明之十大德或卽證明十師思恒殆嘗充菩薩戒
律師也又裴灌撰少林寺碑云景龍中勅中岳少
林寺置大德十人則十大德亦各寺之僧職也和
帝卽中宗謚太和大聖大昭孝皇帝下卷法澄塔

銘云中宗和帝可證也葬神禾原塗山寺東神禾
原在長安城南子午谷陝西通志但有香積寺在
原上不云有塗山寺蓋荒原廢刹爲志乘之所漏
略者多矣碑書世字皆闕筆作世用字闕筆作用

端州石室記

摩崖高四尺四寸五分廣三尺二十寸八
行行二十三字正書在肇慶府七星巖

日者託宿秘篆寄傲神府撰奇討異注靈通感冥才海
口遐驅坤極敞金闕疏玉堂河漢未際其源今昔口聆
其語口口完此山郭不在江墳薄人寰騰物外妙有特
起靈表口口綺田硯平錦嶂聳立擎元洞穴延袤中堂

感佐形以□□□勢以千變伏虜奔象浮梁抗柱激
濤海而洪波沸□□□而羣峯嵯峨飛動逼人屹嵒
驚視密微微而三□□□□蕭而一變天時實乳練
於玉顏石林列於仙座隔□□□集福庭拜子象子
恍子惚子使營魄九昇睿慈雙□□□羽翼志若摩
雲天秦漢之間莫知代祀義皇之上□□□當是時
也慕名者執雌而退徇物者守心而安求道者□□而
凝懷書者□□而默有若邦伯早公守恭廣孝聞□□
□觀國政門□□□不容於□義心厚□遊者每□
□□能吏脩其□□□業流冗歸止介特又安於

是□□□□琴酌一歌一□□□以遊莫不解榻於斯
張樂於斯□□□龍遺土駟馬□□避暑窟室端賞林
樾擊石如□□泉「□」固亦轉丹甍振紫芝迹叅慕之
遠心惟習隱之幽致者也

開元十五年正月廿五日李邕記

右端州石室記唐李邕撰不著書人名氏考其筆蹟
似張庭珪書疑庭珪所書也

集古錄

唐李邕端州石室記在今肇慶府城北數里七星巖

巖稱斗光洞

洞門外礮石壁而爲之開元十五年正月十

五日也後又有宋乾道己丑秋九月等字歐陽公嘗

定以爲張庭珪書然攷庭珪孔林隸碑字頗不類蓋
此刻遇夏潦一至輒爲所泝浸磨盪且或經宋時重
刻當已失真矣

葉盛藻
竹堂稿

肇慶府北七星巖古名定山亦曰崧臺有洞通明宛
委記刻在洞門石壁不類北海書集古錄疑爲張庭
珪書庭珪長於八分凡邕文而庭珪書之者皆八分
此則正書恐未然也記中云有若邦伯早公開元時
有畢刺史者爲朱璟所稱早當作畢是摹刻之誤

金石

文字
記

李北海端州石室記正書字逕寸許在大巖洞口凡

三百八十字可辨者三百四十八字後刻云宋乾道
己丑秋九月乙丑陶定觀巖口又有北海書景福二
大字字長寬各四尺有奇畫痕已淺今拓工以硃傳
之方板盡失神氣粵人多取其福字張於屏障者而
莫知其爲北海書也

粵東金石略

按文爲開元十五年李邕撰唐書邕傳邕由括州
司馬起爲陳州刺史帝封太山還邕見帝汴州詔
獻詞賦帝悅邕素輕張說與相惡會仇人告邕賊
貨疑當作貨枉法下獄當死許昌男子孔璋上書得減
死貶遵化尉地理志遵化縣屬嶺南道欽州寧越

郡元宗封太山在開元十三年十一月其時張說
正爲右相邕之下獄及貶遵化當在十四年四月
以前至四月則說已罷相矣此記作於十五年是
貶遵化時所作也端州與欽州同屬嶺南此碑無
書人姓名集古錄疑爲張廷珪書不獨廷珪長八
分此是正書爲不合卽以情事而論廷珪由御史
出爲沔州刺史從蘇宋魏三州入爲太子詹事致
仕歷官多在北方去嶺南有數千里之遠似不至
以石室短記往返遠求則益知非廷珪書矣文云
有若邦伯旱公守恭記蓋爲邦伯而作下文缺泐

不能見其事蹟爲可惜也

雲居寺石浮圖銘

石高三尺七寸五分廣二尺十二行行二十六字正書在易州

大唐雲居寺石浮圖銘并敘

太原王大悅撰

敘曰法所務善示儀生念物莫堅石留形則多伊童壯之增沙彼豐家之巖寶不孟不季非泰非約建茲浮圖丐此門右者鄭氏字元泰今范陽人也崇中宜利用廣蓋所以兼仰正法惠浹多生俾咸與嘉不潰惟永遐竭塵充賈罄工剗奇璞散良効形都信美素與鮮色皓瑱

級之峨峨黃金明輝爛竇層之擢擢東旭銜珠而更淨
南風動鈴而不喧神儀護門而雄雄威如聖象端室以
稊稊禦若庶幾乎上帝萬壽先人百福夫蠶之類凡
生之儔莫不覃茲利有如是木皆燼滅土亦塵散惟石
之永瞻其有恒繫法之堅念茲無替銘曰

高塔峨峨示延遐曠多生壤壤動善群觸

其

茲設茲利

無疑無疆其福豐衍其資廣長

其

彼石惟堅我性亦芝

永永不滅視以知正

其三

開元十五年歲次單閏仲春八日建

道安禪師碑銘

碑已殘缺廣四尺七寸二十八行字數無考行書額
題唐嵩山故道安禪師碑九字隸書今在嵩山會善
寺

上關□□□□□□□□□□曠劫誰比欠有□
禪師乎

禪師法諱道安俗姓李□
皮鞵難行洞

精苦越生于關皇泊夫大業
戰在野□人口願□

家而塵垢惟深不霜珠曜水霜惟慘不奪松貞

缺□□揚□以曳□□池冽淨以通原是日
大

師願忍傳禪要於斯下□
密□□□□□□□□片言

洞□□念□則□□□□法身圓月湛於清空□□
缺

達摩□□□□戊海摠君□以□身一香普闍子

光分照□□而□□□缺大師大師□□日子常有願

當令一切俱如妙門□所安樂□□多矣□□□缺□

□□□□□□禪師順退避位□美於玉泉□□

□通也從此就□□缺□□□□□而遊不樂□求竟

居嵩山會善寺焉夫曰登渾天苦遙夜者□□缺□誓

塗我□拂衣而起却遊以辞益指於荊州玉泉已而返

覆年序矣□□□缺□客□耶則無務薄言神梵儀耶

則無聞往教哲后躬親禪窟咨缺□□年

□道妙動於時能仁感於俗安至如是乎遂不得已而

心副於世缺以□□遣義維□悟之者意豁而無

住昧之者思絕而失常口詬口揚而口口缺入得之同

體日月融朗得以同暉始自山門徧于天下口烏威韶

樂者美克口缺禪師有之惟景龍二年二月三日

中夜禪師忽而合門弟子等口缺口口山無

口無口深以林口因之野火口焚而滅惟吾之初口也

口口化口缺口日書馳口口口口相淪至八日遂口

戶去人口脇口口而口詢諸耆宿口缺聖口口其

歲口故莫得實其口口也嗚呼是生如雷隨風口口口

風口口缺不能盡造衍聲者不能畢問門人之間故有

百身請代口血口口而不得者口缺口口口朝可其

什託侯王哀赴伯以禮儀道口惟口口口口嵩巖焚
餘口^缺結口口林口異虹口鳥首口連見口威盛口口
去也以子度

禪師之口

^缺

高斯罔道以生口德

惟天縱者也以口教口稱師口有雙峯之學貞不口俗

口^缺

口被口師資一爲聖口一爲師寶是以弟子慧遠

口襲明承口演末裕口東傳

^缺

精深口永慕師道長懷

友風口幽石以口言向遺履以投軀或資墨客而揚德
^缺

^缺

口口口慧以之明之復伊何清照萬有口復伊何明

徹重垢是訓是學惟德性

^缺

口萬法都膺五蘊何口堂

掌如月光流不極撫照餘暉取拾無得衆所瞻仰香缺
會同然永痛斯日載奉何年解吾人之愠妙覺常存化
吾人之道淨戒弥尊勿缺

缺元十五年十月廿日建

右碑在嵩山廣平宋僧撰兼書開元十五年建道安
爲宏忍大師之弟子忍受法于達摩所謂一花五葉
之一也安以隋開皇四年生唐景龍二年卒百三十
有四歲碑云是生如電隨風電盡卽風如我隨電亦
空直隴曇氏牙後慧耳書法道繁豐贍爲唐名家按
脩字藏諸廣平人高尙不仕呂處云僧書如暮春花

發夏柳枝低葢做鍾繇而側反放縱者開元末舉場

中多師之

金石錄補

道安禪師碑在戒壇西南按傳梅嵩書道安禪師碑
宋僖書文尙可讀末云建塔僧破窣下損一字袁中
郎謂神僧破窣墮子細辨損處下從木不似墮字豈
嵩山有兩稱破窣者乎碑於萬歷時雷轟爲兩截下
截爲土所瘞踰二尺許掘地出之模糊不可讀

記

嵩山石刻

碑在會善寺戒壇西南龕中首行大唐嵩山會善寺
故大德道安禪師下闕廣平宋儋撰兼書黃伯思東

觀餘論曰宋脩唐明皇時人學鍾書但作側長殊失
天勢王著錄與斯邈並列不知爲唐士也脩有嵩山
圭禪師碑傳於世字不甚工說嵩

按釋氏有南北二宗慧能爲南宗神秀爲北宗傳
燈錄如來以正法付迦葉傳至達磨來此爲初祖
暨五祖二弟子慧能住嶺南神秀在北得法雖一
而開導發悟頓漸不同故曰南頓北漸此南北二
宗之旨也據金石錄補謂道安爲宏忍大師弟子
忍受法于達摩云云考達磨爲東土初祖其二祖
爲慧可三祖爲僧粲四祖爲道信五祖爲宏忍六

祖爲慧能以紫金鉢相傳是爲一花五葉宏忍得
衣鉢于道信非受法于達摩宏忍心印傳于慧能
其自神秀以下及旁出法嗣俱無道安之名金石
錄補豈別有所據耶道安爲東林慧遠之師遠公
建東林在晉太元十一年詳見下卷東林寺碑此
碑建於開元十五年而碑云道安俗姓李生于開
皇洎夫大業又云景龍二年二月三日中夜合門
又云弟子慧遠口襲明承口演末裕云云並非追
敘緣起之語又不似別一道安疑不能明也

少林寺碑

碑高八尺七寸廣五尺三寸三十九行行六十餘字不等正書在登封少林寺鐘樓下

皇唐嵩岳少林寺口

銀青光祿大夫守吏部尚書上柱國正平縣開國子

裴淮文并書

原夫星垂梵界 聖緣開萬化之先日照王宮神跡蘊

三靈之始包至虛以見世象教久傳於曠劫籠羣有以

示凡法身初應於中古見神通之力廣救苦因開智惠

之門深明樂界鶴林變色觀其戀慕之心鴈塔開扉通

其瞻仰之路少林寺者後魏孝文之所立也東京近甸

大室西偏正氣居六合之中清都控九州之會緱山北

時亘宛洛之天門潁水南流連荆河之雲澤信帝畿之
靈境陽城之福地沙門跋隨者天竺人也空心元粹惠
性淹道傳不二法門有甚深道業繇自西域來遊國都
孝文屈黃屋之尊申緇林之敬太和中詔有司於此寺
處之淨供法衣取給公府法師適於寺西臺造舍利塔
塔後造翻經堂香水成塗金繩爲約苦心精力俾夜作
晝多寶全身之地不日就功如來金口之說連雲可庇
西緣長澗夾松栢之蕭森北拒深崖覆筠篁之冥密烟
花濃靄暝下天香泉籟清音曉傳空樂跋隨息心茲地
樂靜安居感而遂通境來斯證寤寐之際若有神人致

石磬一長四尺規制自然聲律咸具得之河曲空聞漢
使之談浮于泗濱徒入夏王之貢管絃風夜合清響於
中天鍾梵霜晨諸妙因於上劫時有三藏法師勒那翻
譯經論遊集刹土稠禪師探求正法住持塔廟虬箭不
居光塵易遠虹梁所拍象設猶存周武帝建德中口元
嵩之說斷釋老之教率土伽藍咸從廢毀明皇帝繼
明正位追崇景福大象中初復佛象及天尊象廼於兩
京各立一寺因孝思所置以陟帖爲名其洛中陟帖卽
此寺也隨高祖受禪正朔旣改徽號已殊唯此寺名
特令仍舊開皇中有詔二教初興四方普洽山林學徒

歸依者衆其栢谷屯地一百頃且賜少林寺大業之末
九服分崩羣盜攻剽無限其俗此寺爲山賊所劫僧徒
拒之賊遂縱火焚塔院院中衆宇燬爲同滅瞻言靈塔
巍然獨存天龍保持山祇福護神力所及昔未曾有寺
西北五十里有栢谷巖羣峯合沓深谷逶迤複磴緣雲
俯窺龍界高頂拂日傍臨鳥道居習成塢在齊爲郡王
充僭號署曰轅州乘其地險以立峯戍擁兵洛邑將圖
梵宮 皇唐應五運之休期受千齡之景命掃長蛇荐
食之患拯生人塗炭之災 太宗文皇帝龍躍太原軍
次廣武大開幕府躬踐戎行僧志操惠瑒曇宗等審靈

卷之二
三
睦之所往辯謳歌之有屬率衆以拒僞師抗表以明大
順執充姪仁則以歸本朝 太宗嘉其義烈頻降璽書
宣慰既奉優教兼承寵錫賜地卅頃水碾一具卽栢谷
莊是也迨海寓旣平憲章云始僞主寺觀盡令廢除僧
善護洞曉二門遠該三行誼 闕進表特蒙量立武德
中寺有白雀見貞觀中明禪師造重塔之辰白雀復瑞
塔圖肇啓初欲呈祥寶殿纔興遽聞相賀 高宗
天皇大帝光緒鳩業欽明至理嘗因豫遊每延聖敬咸
享中 乘輿戾止 御飛白書題金字波若碑留幡象
及施物永淳中 御札又飛白書一飛字題寺壁雲開

願鶴電搏遊龍神草競秀於枿塗雲泉迴飛於錦石雕
荒增耀若綴春葩金疊分輝似懸秋露 天皇升遐

則天大聖皇后爲 先聖造功德垂拱中有冬竹抽笋
塔院後復有藤生證聖中中使送錢於藤生處修理階
陛寺上方普光堂功德隨口終造自尔飛鳥莫敢翔集
此寺跋陀疏置業造神微 皇家尊崇事光幽秘环苻
荐臻於動植靈應亟發於庭除 累聖屬心每願焜澤
王言宸翰旣蠆映於雞峯寶像珠帟亦交馳於龍壑
皇上睿圖廣運神用多能藉明臺之化清繹天池之聖
妙以此寺有先聖締構之跡御書碑額七字十一年冬

爰降 恩旨付一行師賜少林寺勅梵天宮殿懸日月之光華佛地園林動煙雲之氣色漢元魏武徒銜奇於築素鍾繇蔡邕虛致美於湘簡日者 明勅令天下寺觀田莊一切括責 皇上以此寺地及碾先聖光錫多歷年所襟帶名山延袤靈跡羣仙是宅邁羅閱之金峯上德居之掩育 王之石室特還寺衆不入官收曾是國士崇絕天人歸仰固以名冠諸境禮殊恒剎矣高僧跋陁明三藏心禪諸門弟子惠光道房稠禪師等精勤梵行克傳勝業惠光弟子僧達曇隱法上法師等十大德亦屬十英復有達摩禪師深入惠門津梁是寄弟子

惠可禪師葺元悟法竇嘗託茲山周大象中寺初復遷
沙門中德業灼然者置菩薩僧一百廿人惠遠法師洪
遵律師卽其數也 皇唐貞觀之後有明遵慈雲元素
智勣律師虛求一義洞真諦之源復有大師諱法如爲
定門之首傳燈妙理弟子惠超妙思奇拔遠契元蹤文
翰煥然宗塗易曉景龍中 勅中岳少林寺置大德十
人數內有關寺中抽補人不外假座無虛授澄什聯華
林遠接武星霜殆周於二紀蘭菊每芳於十步上座寺
主都維郵葺牢籠法藏遊息禪林德瑩神珠戒成甘露
海內靈岳莫如嵩山山中道口茲爲睞殿二室迴合八

谷潺湲地通貝花門連石柱妙樓香閣俯映高林金剎
寶鈴上搖清漢法界之幽贊如彼 皇家之福應如此
天長地久不傳忉利之宮劫盡塵微孰記鐵圍之會精
求貞石博訪良工將因墨客之詞或頌金仙之德聿宣
了義遂喻真空其詞曰

恒沙國土微塵品類妄見飛奔正心蘊樞昏途莫曉淨
根將墜樂於蓋纏若要夢寐承哉大聖降跡閻浮潛迴
寶轉廣運慈舟寶無減度示有降柔紺宮西闢白馬東
流迷因悞生悟爲信起玉剎斯逮寶山載峙花臺竹林
清泉妙水靜唯真相湛然攸止巖巖高嶺河洛巨鎮下

屬九溪上千千切天磴重阻仙都清峻式創招提是資
誘進婉彼上德載誕耆闍傳業西土演教中華孝女申
敬恩錫仍加經營宴室迴出雲霞中岳北趾嵩高西麓
斜界玉池洞開栢谷紆餘崗澗連延水木鬱起旃檀云
誰卜築吾師苦行清修道場勵精像宇專力經堂金界
繩直枿塗水香散花有地栖禪得方解空應真默識開
士乘盃遊集振錫冥止翻譯幽偈發揮妙理仙磬感靈
神雀降祉運交土木代歷周隨劫火遞起魔風竟吹法
身威翳淨國同塲或聞興復詎振崩離神堯應期撥亂
反正皇矣覺力大宏福慶式遏醜徒聿快興 聖累降

金石錄卷之二十一
恩旨兼敷錫命 高宗時豫先后卜征西廼雕輦屢倚
虹旌巖題玉札地振金聲珎符存至在物斯呈 我皇
龍興有典咸秩懿茲上界式諸神筆雲搖天圍鸞迥少
室草垂仙露林昇佛日護持八正每候能仁跋隨降德
稠公有隣厥後真侶更傳了因辯才高行無替清塵倬
焉梵衆代有明哲今我諸公蘊彼禪悅芳越蘅杜淨踰
冰雪遂締津梁無非苦節類上靈岳山間寶殿秀出梵
天孤標神縣芥城可竭素田有變貞石永刊靈花常遍
開元十六年七月十五日建

裴懿公淮書少林寺碑開元十六年建久在嵩山而

金石錄不載何也裴少時負文筆號霹靂手而雅不以八法名此碑鋒至沓拖不可讀而書頗秀勁多媚態得非時代爲之耶傳不載階封此書銀青光祿大夫正平縣子亦可補傳之闕

兗州山人稿

右唐嵩岳少林寺碑守吏部尚書裴淮撰并正書少林寺在河南登封縣少室山麓去嵩岳二十里嵩岳一稱太室故有少室而此寺曰嵩岳者統于尊也予正德癸酉嘗遊嵩岳少室留宿寺中見殿後有立雪堂相傳昔達磨之徒惠可欲嗣其法雪深至腰不去此卽其處寺右上山三里有達磨洞洞有石達磨面

之九年形宛然石上其事甚異達磨爲釋氏西來初
祖可稱二祖碑雖及其人而二事皆不之載寺復有
太宗與僧教書石刻蓋太宗爲秦王時寺之僧禽王
世充以獻故太宗賜書褒美而碑云僧執世充姪仁
則以歸與教書不同予故書之以見古人之文無不
缺誤如此然非予之親歷則亦莫能知也

金華琳瑯

碑內王字俱鐫去按金史海陵正隆二年二月癸卯
改定親王以下封爵等第命置局追取存亡告身公
私文書但有王爵字者皆立限毀抹雖墳墓碑誌竝
發而毀之則知前代封爵之碑有王字者多毀仆於

此時而此碑以梵力獨存乃其間王宮夏王王言育
王等字亦從而鐫去矣完顏之不通文義而肆爲無
道可勝歎哉 唐碑遇帝號必空三字此碑所紀字
文周事有明皇帝皇上空三字有隋高祖祖上空三
字而前有周武帝却不空蓋繼流不通古今者之所
爲也

金石文
字記

少林寺碑裴灌撰並書王元美謂懿公少負文筆號
霹靂手此灌父炎之事炎之爲同州司戶參軍甚少
不主曹務刺史李崇義內輕之積案數百讓使趣斷
炎之命吏連紙進筆爲省決一日都盡與奪當理詞

筆勁妙崇義驚曰子何自晦成吾過耶由是名動一
州號霹靂手子灌仕至吏部尚書曾諫止造玉真金
仙觀當時稱長于敷陳碑復繁蕪書頗得褚河南之
勁俊而無宵暎春林之致

金石
史

裴催新舊史皆立傳其封正平縣子則史所失載也
或謂子男五等封爵之細於史傳可不書然嘗攷之
唐史如魏徵嘗封鉅鹿縣男杜如晦封建平縣男孔
穎達封曲阜縣男又進爵爲子歐陽詢封渤海縣男
歐陽通封渤海縣子韋虛心封南皮縣子吳兢封長
垣縣男柳沖封河東縣男俱載於本傳未嘗從略則

此之不書者難免疎漏之譏矣

潛研堂金石文錄尾

金石萃編卷七十七終